

CICIKOANBADIEGU

BULICINA FASO
Taanma - Puginma - Teginma

GUFENEMA MASOAGINDO

BAALO KOANBALA TAANLI
JAGA DOAGIDIMA
(PP-G/TRANS N°012-2024)

Rimalba Jean Emmanuel OUEDRAOGO

Li binli 2024, cinaa dana 4 daali, Wagadugu pó

Baalo Koanbala Taanli den kali Wagadugu
nani ban maani ki tiedi maama dana lele kuli,

li binli 2024, o ŋmaalo cinaa dana 4, alaamuda daali,

ki cili leeri 9 yogunu ki ban gbeni leeri 14 leni miniti 17.

Kapitenni Ibrahim TRAORE, yua n tie ti Diema Yudanciamo

leni a Koanbala Taanli Liigiyua

n den gobidi laa taanli

A Koanbala Taanli den noanli li daali mayula nni

ki taa a jaga, ki puni i laabaali,

ki dini bi niba a bala li tuonli po, ki puni u sanu bi

niba n gedi dietoama ti Diema yeli po.

.

I. A JAGA

I.1. YAA KOANBADIEGU N DIE I LAABAALI, LENI KU MAASUAGU, LENI U YANLUADI GOADA TUONA

Li Taanli taa yaa tiwaankaali n tie laabaali leni ku maasuagu tuona koanbadiegu kani tuonboginkaana ñoadima li binli 2024.

Laa tuonboginkaana baa teni ke laa koanbadiegu n fidi ki ñoadi yaa sanbila n tuugi leni mi yanduama guanma ti diema nni laabaali ligi.

A baa teni ban fidi ki maa yaa bonmaakaala n baa todi ti leni u yogu nni togida Bulicina Faso nni.

Li taanli puni u sanu ke ban teni a tuonjaana n soani yaa tuonboginkaana n ñua ne:

Yaa tuonsoanjaali n baa tendi bu toabu laabaali gàndima :

- IM PRINT TUONJAALI:

Li buali 1, Yaali n tuugi leni laabaali tenma mi yebiadima yogunu, li fii **miliyon bonpiilie (20 000 000) seefa ligi nni;**

Li buali 2, Yaali n tuugi leni laabaali tenma bu toabu yogunu, li fii **miliyon bonpiinii (80 000 000) seefa ligi nni.**

Yaa tuonboginkaali n tuugi leni Isidore Noël Thomas SANKARA kaanu maamaa yu n baa teni ban da sundi opo.

- KANAZOE FRERES yaa tuonsoanjali n baa gaa a tuongbenga soanma, ya yaa ligi n **fii miliyon kobiluoba n piimuu n bonbinaa n kobiga n piitaa n tuda naa n kobinii n kuumu nii (654 134 808) seefa ligi nni.**

KERE Architecture SARL, yaa tuonsoanjali n baa goandi mi maamaa sanbila ñoadima. Lan mo baa fii **miliyon piilie n bonyendo n tuda kobiga n piinii n kobiga n kuumu yia n falinonaa (21 180 109,4) seefa ligi nni.** Lan tie mi dogibuama laabaali tenma ligi ñanma ñoadima n fidi ki tieni:

TRIBU CREA tuonsoanjaali yaa ligi fii **miliyon piitaa n bonbinaa (34 000 000)** seefa ligi nni.

Laa tuonbogingagidikaana kuli soanma po, baalo n baa ñani li ligi wan bogini yi li binli 2024 po.

I.2. YAA KOANBADIEGU N DIE TI DIEMA LENI DIETOAMA SIIGA TUGINMA TUONA LENI TI DIEMA NIBA YAABA N YE DIETOAMA NNI MAAMA

A Koanbala Taanli taa li jagili ki baa kaani Bulicina domaabila yaaba n ye dotoe nni Cagicianli. Laa jagili tuugi leni li Cagicianli yeni kaanma, yaaba n baa ye lienni leni li tuona.

Laa jagili tie ban guani ki firi li binli 2007, cimuu o 24 daali jagikpeli yaali ke li lanba tie n°2007-308/PRES/PM/MAECCR, ke li den tuugi leni a domaabila yaaba n ye dotoe nni cagicianli.

Laa jagili firima tie ban fidi ki guani ki bogini laa cagicianli, lin tua a domaabila yaaba n ye dotoe nni cagicianli, yaali n baa gobidi bi tuona kuli.

Yaala n tie bonpanla laa jagili nni tie :

- Li cagicianli tonda n yaa yabi ban ye yaa dogibuolu nni ki kaani laa cagicianli cagibimu ;
- Ki tieni li cagili voti tili yaali n baa pia liiga yua leni o duogili ;
- Ki taani Oseyani diema, Asi-Pasifiki diema nni;
- Ki pugini delegeenba ban pendi 129 ki pundi 131 ;
- li cagicianli delege waagima li bali nni n mibidi bina taa ki lebidi ki tua bina naa ;
- ki taa yaa jagili baa teni ban fidi ki kaani ti domaabila yaaba n ye dotoe nni cagicianli, yaali n baa gobidi ti domaabila dotoe nni.

I.3. YAA KOANBADIEGU N DIIDI MI TAGIMA TUONSOANDIEDI FINDIMA, U KPENDU TUONA LENI U NUU TUONSOANBANMA

A Koanbala Taanli taa **tiwaankaana taa (3)**.

Li cici tiwaankaali tie jagili ke bi daa bogindi li, ke li tie yaa jagili n baa pa u sanu ban yaa gaani i ligi a tuontiamaa yaa tiedi baalo ligi tuonsoadieciangu kani.

Leni yaa jagili ke bi taa li binli 2023, ciyendo o dana 30 daali, ke li lanba tie 2023-0052/PRES-TRANS/PM/MFPTPS/MTDPCE, yaa li n tuugi leni baalo tuonsoanba nmapani n ki ji pia tila. Bi nmapani tila baa ji ye a masina nni yaa bua po.

Yaala n tie laa jagili boncancianli tie ke bi bili ligigaa-buoli lie; lan tie ke yua n bua ki kua laa kaanu a masina nni baa paa, ki go pia laa tuonsoanjaali wanma pani .

Laa jagili taama baa teni ban fidi ki pandi laa ligi gaama buolu i ligi tuonsoandiegu kani ki go pugini laa tuonsoandiegu bontenkaala baalo ligi nni.

Li tiwaankalieli tie ti koanbadiedi leni a tuonsoanjaaciamaa ligi tuona tienmaa.

Ti koanbadiedi leni a tuonsoanjaaciamaa ligi tuona tie ki yaa gaani yaa ligi n koa baalo ligi kpagidi nni, ki go yaa pa baalo bondakaala pani. Tini n go baa diidi i ligi coali tila leni baalo ligi tuona kuli.

Li cicituonli cili yaali n tie a cogibiwaala leni ti maamaamaama findima koanbadiegu kani, ciyendo nmaalo o cici daali, li binli 2022 nni.

Laa cici tuonli njanu po, teni ke li taanli puni u sanu ke ti koanbadiedi ligi kani piiga n kaani taa leni a tuonjaana ligi kani, kaani muu n luodi.

Li tiwaankataali tie yaali n tuugi leni i ligi gaama baalo tuonsoanjaali yaali n diidi mu tinmu tuona.

Baalo tinmu diidima tuonsoanjaali tuonli tie lin yaa diidi baalo, leni komininba leni a tuonsoanjaana n yeni yaa tinmu, ki fidi ki gaa yaa ligi n kua laa tuona nni.

Yaa tuona n baa kuani i ligi baa fidi ki yaa tie ane:

- mu tinmu coali;
- mu tinmu bandima;
- mu tinmu banlu tienma;
- mu tinmu maalima leni mu tila tienma ;
- mu tinmu tila tienma ;
- ti tandi wodima.

Laa jagili taama baa teni mu tinmu tuonsoanjaali n fidi ki yaa gaani i ligi nani ban den taa balimaama n°073-2015/CNT, li binli 2015, piiga n ciyendo o dana 6 daali n bili maama, ke li tie mu tinmu yaa balimaama.

I.4. YAA KOANBADIEGU N DIIDI MI TAGIMA TUONSOANDIEDI FINDIMA, U KPENDU TUONA LENI U NUU TUONSOANBANMA

Li taanli taa yaa jagili n tuugi leni ti diema cagili yaali n baa teni u juogu n yaa faali kaanma. Laa jagili n baa waani li cagili yeni gobidima , li tuona , leni yaa niba n baa ye lienni .

Laa jagili tie ban guani ki bogini li binli , citaa o 13 daali jagili, ke li lanba tie n°2017-099/PRES/PM/MCIA, ke li ji tie yaa cagili n baa teni u juogu n tua faala ti diema nni.

Ti diema cagili yaali n baa teni u juogu n yaa faali tuonli tie lin yaa gobidi Bulicina n ñii li binli 2018 yaa tila u juogu po n tua faala.

Laa jagili guari diidima tie ke tin fidi ki kuani yaala n tie lebidima kuli ki tuugi leni ti jadi bi ti puodi tuona nni.

Laa jagili taama baa teni ti diema cagili yaali n baa teni u juogu n yaa faali ti diema nni n fidi ki soani li tuonli ñama.

I.5. YAA KOANBADIEGU N DIIDI I SANI TIENMA LENI A DIEGBENGA MAAMA

A koanbala taanli tuo yaa tiwaankaali n tie miabu yaabu n tie baalo tuona tenma leni a soanma ke li baa tieni leni u juogu nni yaala n tie a tuongagidikaana po.

Yaa tuona n pia li mayuli boncianla gufenema po ki ban cie tie i sani findima leni i kubima ti biadi cenli po, ki pugini mi diema tingbangu biani. Laapo, yaa koanbadiegu n diidi i sani tienma leni a diegbenga máàma gagidi ki bogini kun baa tieni ki go ñanbi yaa sani, yaa sani n baa kadi leni i lieli , li sancenli luba ligipakaani tienma leni bi tiadi boginma.

A koanbala taanli puni u sanu ban teni a tuoana yaa tuonsoancaga n tie nne :

1. Groupement GTAH/GOPA INFRA/AC3E/FASO INGENIERIE, tuoncagili n die li kpaagili yaala n baa tuo ki tieni po mi piama n da maama, mi gaanilindima leni u sanu n°39 (RD39) Konbisiiri-Gana-Sabisen (dajena 27,5) tienma ke li tie sanboanu. Li tuonli fii **seefa ligi miliyonba piilele n bonbimuu (k 75 000 000)**, li tuonli n baa taa yaa yogunu tie ñmaali taa (3) ;

2. Groupement TECHNI-CONSULT/ACIT GEOTECHNIQUE, tuoncagili n die ki kpaagi ki waani li tuonli n baa soani maama, lin baa sii mi gaanilindima maama, ki nan go waani lin baa je yaa ligi ; li baa tua u sanu n°14 (RR14) Kaya-Mané-Malu (dajena 53) tienma ke li tie sanboanu. Li tuonli fii **seefa ligi miliyon kobiga n bonbimuu (k 105 000 000)** ; li tuonli n baa taa yaa yogunu tie ñmaali taa (3) ;

3. CASTOR tuoncagili n baa guani ki fiini mi kpaagima ki waani li tuonli n baa soani maama, lin baa sii mi gaanilindima maama, ki nan go waani lin baa je yaa ligi u sanu n°11 (RN11) tuona po, ki baa taa Batie-kpere ki ban tuoni Bulicina diema leni Kodivuuri diema bianu (dajena 61), li baa tua sanboanu.

Li tuonli fii seefa ligi miliyon kobiga n piinii n bonbiluoba n tuda kobiga (k 186 100 000), li tuonli n baa taa yaa yogunu tie ηmaali muu (5) ;

4. EG2S tuoncagili n baa guani ki ηanbi yaa sani n baa gedi yaa tuonsoanjaali n baa naani a tomatibila Bobo-Dilaso dogu nni (li foagimu tie dajena 7,5). Li tuonli fii seefa ligi miliyon kobilie n piilie n bonbimuu (k 225 000 000), li tuonli n baa taa yaa yogunu tie ηmaali muu (5) ;

5. AMP tuoncagili n baa guani ki soani ban den bogini yaa tuona Naare dogunu nni. Li tuonli fii seefa ligi nni **miliyaari yendo n miliyon kobinaa n piilie n bonbimuu n tuda kobiga n piyia n tuda lele n kobiluoba n piilie n kuumu muu (k 1 425 197 625)**, li tuonli n baa taa yaa yogunu tie ηmaali luoba (6) ;

6. - li tuonkpiali(1): Groupement EBATP/SBTP tuoncagili n die RN02 sanu ηanbima tontoni, ki baa cili Wagadugu ki ban tuoni Guurisi, li tuonli fii **seefa ligi miliyon piilele n bonbimuu (k 75 000 000)**, li tuonli n baa taa yaa yogunu tie ηmaali taa (3);

- **li tuonlieli(2): Global BUSINESS COMPANY** tuoncagili n die RN02 sanu ηanbima tontoni, ki baa cili Wagadugu ki ban tuoni Guurisi, li tuonli fii **seefa ligi miliyon bonbikobitaa (k 300 000 000)**, li tuonli n baa taa yaa yogunu tie ηmaali muu (5) po;

7. SOGESB SARL tuoncagili n die RR20 sanu ηanbima tontoni ki baa cili Dieri ki ban tuoni Samogoyiri dogu nni ki pugini leni yaa sanu n baa gedi Samogoyiri meeri kani. Li tuonli fii **seefa ligi miliyon bonbikobiluoba n piimuu n bonbimuu n tuda kobiga n piilie n tuda naa n kobyia n piimuu n kuumu nii leni falinni yendo (k 655 124 958,1)**, li tuonli n baa taa yaa yogunu tie ηmaali luoba (6) ;

8. AC3E tuoncagili n die RR20 sanu njanbima tontoni diidima leni mi goandima ki baa cili Dieri ki ban tuoni Samogoyiri dogu nni ki pugini yaa sanu n baa gedi Samogoyiri meeri kani. Li tuonli fii **seefa ligi miliyon piiluoba (k 60 000 000)**, lin baa taa yaa yogunu tie nmaali nii (8) ;

9. EKS SA tuoncagili n die a tuonpuginkaana lan tie Wagadugu dogu nni leni Bobo dogu nni i sani njanbima leni i tienma po. Mi cilima li tuonkpiali tie : yaa sanu n baa gedi Rimicieta nianli nni ke u foagimu tie (dajena 6,880) ; Li tuonli fii **seefa ligi miliyaari bonbilie, miliyon kobiga n piimuu n bilie n tuda kobiga n piitaa n tuda lie n kobimuu n piiga n kumuu lie (k 2 152 132 512)** ; lin baa taa yaa yogunu tie nmaali lele (7) ;

10. Groupement d'entreprises ATP/Mondial Transco Tuoncagili n die a tuonpuginkaana, lan tie Wagadugu dogu nni leni Bobo dogu nni i sani njanbima leni i tienma. Mi cilima li tuonlielí(2) tie yaa sanu n baa gedi Nagiren nianli nni ke u fuogimu tie dajena 4,950. Li tuonli fii **seefa ligi miliyaari yendo miliyonba kobilie n piiga n biluoba n piiluoba n tuda muu n kobilie n piiluoba (k 1 216 065 260)**, lin baa taa yaa yogunu tie nmaali yia (9) ;

11. Groupement SONAF SA/COSTRUZIONI CM SRL Tuoncagili n die i sani njanbima leni i tienma po, ke li tie Yagima sankada najienu po ki ban tuoni yaa sanu n yi RN02 ke u fuogimu tie dajena 2,174 , ki taani Wagadugu leni Bobo dogi sani njanbima leni i tienma tuonpuginkaana. Mi cilima li tuonaalí(4) tie yaa sanu n baa kadi leni RN22-sanu najienu po ki ban tuoni yagima jaanma kaanu nintuali po yaa sanu ke u fuogimu tie dajena 9,548. Li tuonli fii **seefa ligi miliyaari bonbinaa, miliyon kobiga n piinaa n binaa n tuda kobiga n piitaa n piilie n kuumu taa(k 4 144 130 023)**, lin baa n baa taa yaa yogunu tie nmaali piiga (10);

12. Groupement TECHNI CONSULT/MEMO Tuoncagili, n die a tuona goandima leni a diidima yaala n tie ki cili Yagima sankada najienu po sanu ki ban tuoni yaa sanu n yi RN02 ke u foagimu tie dajena 2,17, ki taani leni i sani nbanbima tuonpungikaana yaa foagimu n tie dajena 9,548. Li tuonli fii seefa ligi miliyon kobiga n piiyia n yendo n piilele n tuda lele n kobinaa n piiyia n kuumu luoba (k 191 077 496), lin baa taa yaa yogunu tie nmaali piiga (10) ;

13. ARAFAT SERVICE SARL tuoncagili n die yaa sanu n nani Diara-Jensimi-ponga tienma leni u nbanbima yoguntiamu. Laa dogi ye bulugu porovensi nni. Li tuonli fii seefa ligi miliyon kobinii n piimuu n bonbi nii (858 000 000), lin baa taa yaa yogunu tie nmaali yia (9) ;

14. Groupement EG2S/NERWAYA TRAVAUX PUBLICS SARL tuoncagili n die yaa tuona n tie mi nbanbima tontoni po (Bulimiigu tiabu, RN01 sanu leni a tiatuatuaara lan tie esanseerinba puoli yua, nintuali yua, najienu yua, leni waga demili yua) leni i sanboani RN16, RN07, RN29 et RR09, ke li tuonli fii seefa ligi miliyon kobinii n piitaa n bonbimuu n tuda kobiga n piilie n tuda lie n kobiiyia n piiga n kuumu taa leni falinni bilie (k 835 122 913,2) ; lin baa taa yaa yogunu tie nmaali lele (7) ;

15. ARAFAT SERVICE SARL tuoncagili n die yaa tuonpungikaana n tie yaa sanu baa kadi Diara dogu ki go yaa nbanbidi yoguntiamu yaa sanu kadi Bogore-RR09 sanu-Diara-ki daaga, ke li tuonli fii seefa ligi miliyon kobiga n piinii n tuda piinii n tuda nii n kobiga n piiga n kuumu lie leni falinni yendo (k 180 088 112,1) ; lin baa taa yaa yogunu tie nmaali muu (5);

16. Groupement SOMAC-BTP/ECW Tuoncagili, n die mi koadima, mi duonma leni kududon tienma yaa sanu n baa kadi ban yi yaa sancianmu aveni Châlons-en-Champagne ke u gedi naankani ke ti biaciandi danba yen sedi ki fuodi Bobo dogu nni. Li tuonli fii seefa ligi miliyaari binii leni miliyon

kobimuu n piinii n bonbi nii n tuda piinii n tuda taa n kobiga n piilie n falinni bonbitaa (k 8 588 083 120,3) ; lin baa taa yaa yogunu tie piiga n nmaali luoba (16) ;

17. Société Kassoum KAFANDO Service Sarl Tuoncagili n die li sancenli luba ligipakaani (peyaasi) 10 maama tuona leni kpagiciandi piiga(10) daama yaala n tie i nasiili tiala bilima po. Laa kpagidi tie yaa tuonjaali n diidi ban gaani yaa ligi ti biadi cena po Bulicina nni (EFISERI-B) ke li tuonli fii seefa ligi nni **miliyon kobiga n piimuu (k 150 000 000) ;** lin baa taa yaa yogunu tie nmaali naa (4) ;

18. - Tuonkpiali 1 : VISTA INGENIERIA & OBRA CIVI tuoncagili n die peyaasi tilimu tienma EFISERI-B tuonjaali po, ke li tuonli fii seefa ligi nni **miliyon kobitaa (k300 000 000),** lin baa taa yaa yogunu tie dana piyyia (90) tienma kuli po;

-Tuonlieli(2) : MULTY PRINT Tuoncagili, n die peyasi tilimu tienma EFISERI-B tuonjaali po, ke li tuonli fii seefa ligi **miliyon kobitaa (k300 000 000),** lin baa taa yaa yogunu tie dana piyyia (90) tienma kuli po;

19. JOC-ETUDES ET REALISATION (JOC-ER SA) tuoncagili n die i ninsani tienma RR09 sanu po Bagere dogu nni. Li tuonli fii seefa ligi **miliyaari yendo leni miliyon kobiluoba n piilie n bonbi muu (k1 625 000 000) ;** lin baa taa yaa yogunu tie njaali luoba (6) ;

20. BECOTEX tuoncagili n die i ninsani tienma RR09 sanu po Bagere kani a tuona goandima leni a diidima. Li tuonli fii seefa ligi **miliyon kobiga n piilie (k120 000 000) ;** lin baa taa yaa yogunu tie njaali nii (8);

21. E.KA.MA.F Tuoncagili n die a jakoanda tuonsoantiadi daama yaa tinbuona yaa niinni ke mi yanduama ki ye nani gufenema n bili **maama** (Tenkodogo, Fada, Kaya, Wayiguya , Dedugu). Li tuonli fii **seefa ligi miliyon piinaa n bonbi luoba (k46 000 000)** ; lin baa taa yaa yogunu tie piinaa n dana muu (45);

22. Li tuonkpiali : 3D INFORMATIQUE Tuoncagili n die ti tuonsoantiadi nani oridinateerinba leni li tiabidi daama. Li tuonli fii **seefa ligi miliyon kobiga n piimuu (k150 000 000)**, lin baa taa yaa yogunu tie dana piiluoba (60);

- **li tuonlieli 2 : Rafiq Vision SARL tuoncagili** n die biilo nni tuonsoantiadi (tabilinba, li bonkalikaala, konteneerinba ki tieni biilonba) ; li tuonli fii **seefa ligi miliyon kobiga n piimuu (k150 000 000)** ; lin baa taa yaa yogunu tie dana piitaa (30);

- **li tuonlieli 2 : Général Micro Système (GMS) Tuonsoancagili** n baa daa yaa tiadi n tie ti dieciandi dianma leni ti maama po (u ñuamu biigima tiadi), li tuonli fii **seefa ligi miliyon kobiga n piimuu (k150 000 000)**, lin baa taa yaa yogunu tie dana piiluoba (60);

- **li tuonnaali 4 : Auto SÛR SARL Tuoncagili** n baa da ban yi yaa biadi pikapinba yeni, kari bonbiga yua yaa kalikaani n pundi (19 ki ya caa 34), li tuonli fii **seefa ligi miliyon kobilie n piilie (k 220 000 000)** ; lin baa taa yaa yogunu tie dana piitaa (30);

23. ATEF tuoncagili n die SINESI KORISI tuonsoantiadi daama leni ti ñanbima. Li tuonli fii **seefa ligi miliyon kobilie n piimuu (k 250 000 000)**, li tuonli n baa taa yaa yogunu tie dana piiluoba (60). Laa tuona ligi baa ña baalo ligikpagu nni leni yaa tuonsoanjaali n diidi ban gaani yaa ligi ti biadi sancenli

Bulicina nni ligikpagu nni, leni yaa tuonsoanjaali n tuuni mi diema findima tontoni leni bi niba ñiginli po, leni Bulicina Faso tuonsoanjaali yaali n gobidi ku tingbangu tuona.

I.6. YAA KOANBADIEGU N DIIDI A COGIBIGBENGA COGU LENI MI BANCANMA LINGINMA TUONA

A koanbala taanli tuo yaa jagili n puni u sanu ban lebidi Fada, Wayiguya leni Dedugu iniverisiteenba yela.

Laa iniverisiteenba yela lebidima tie ki mia iniverisite canbaanba leni li cogibila n sedi leni jama yaali n tie a tuonjama ya n kua Bulicina Faso diema togida nni, ki nandi leni laa niciama muali lan tie politiki nni leni mi banma nni.

Laa jagili tuoma teni laa iniverisite taadiba yaa niciama yaa yela n kua Bulicina Faso diema togida nni.

Yeni :

- Fada iniverisite yeli tua **iniverisite Yembila Abdoulaye TOGUYENI**. A matabila koabigima nni « **UYAT** »
- Wayiguya iniverisite yeli tua **Université Lédéa Bernard OUEDRAOGO**. A matabila koabigima nni « **ULBO** » ;
- Dedugu iniverisite yeli tua **Université Daniel OUEZZIN COULIBALY**. A matabila koabigima nni « **UDOC** ».

Laa jagili taama lebidi laa iniverisite taadiba yela.

II. I LAABAALITENKE

II.1. Yaa koanbali n diidi i laabaali, ku maasuagu, leni u dobandu goada tuona puni a Koanbala Taanli yaa laabaali n tuugi leni ti diema Bulicina Faso n den kali yaa taanli baalo yeli po li binli 2024, ke li den cili cilie 27 ki ban juodi citaa 1 daali mi piigintaaleleema po. Laa taanli tuugi leni ban den juogi ki kaani yaa cagili li binli 2005 nanduna dietaanma u cogu, mi banma leni ku maasuagu po (INESIKO) Pari, Faransi po ke li yegi leni ti maasuadi buoli buoli guudima leni li findima sanbila.

Laa taanli yogunu, yaaba n den gedi Bulicina Faso yeli po den moandi ki todi bi yaa todima yaali n yegi leni li taanli yeni mayuli, ki go waani ke ti diema baa ñii INESIKO ciaga po ki todi ke yaali n bili ki baa soani kuli li binli 2005 maadiidagidima yeni po n fidi ki soani ti maasuadi buoli po leni mi tuonsoanbanma dieciangu yeli po Afiriki tingbangu nni (CERAV/Afrique).

Bulicina tonda go den doagidi ki waani ke ti diema moandi ki tiebi ku maasuagu tuonaa leni a masina ke li yegi leni yaa boginli n cangi mi tagima leni ku maasuagu gobidima (PAIC-GC).

II.2. Yaa koanbadiegu n die ti diema leni dietoama siiga tuginma tuona leni ti diema niba yaaba n ye dietoama nni maama puni a Koanbala Taanli i laabaali ke ti diema Bulicina Faso baa gedi li nandunli taancianli ke li tuugi leni li guunli yenyema tuona nni (ICONS), Vienni Otirisi diema nni, li binli 2024, cimuu 20 o ki taa pundi o dana 24.

Laa nanduntaancianli baa kaani politiki liiga yaaba, a banda leni mi tagima tuonsoantieba ban fidi ki boe ki go pa biyaba i laabaali leni mi banma yaala baa todi li nandunli guunli mi yenyenma tuona nni

II.3. Yaa koanbali n diidi ti diema ligi leni a tuonboginkaana waani a Koanbala taanli ke ti diema Bulicina baa kali ban yi yaa taanli Foromi 2024, ke li yegi leni mi findima ligi diidima li binli 2024, ki cili cinaa 24 ki ban juodi o dana 25 daali Niyoriki dogu nni, Nasiyon Ini kaanjigi kani.

Mi findima ligi diidima taancianli (foromi) yeni tie naankani ke bi niba baa taani ki diidi bonla boncianla yaali n baa teni ban fidi ki taa yaa jaga n bua tonma mi findimoanma ligi sanbila nni, ki go tigrini yaali kuli n baa todi yaa diema n ye leni ku tadingu boncianla. Nasiyon Ini taancianli na ñuadi Bulicina Faso po tie ke laa yogunu mi diema baa ba u sanu ki doagidi o findima sanbipaana.

III. BAN DINI YAABA A BALA

III.1. YAABA N BAA LI BALI TUONCELI PO

A. YAA KOANBADIEGU N DIIDI TI DIEMA TINBUONA, KOMINNINBA GOBIDIMA TUONA LENI LI GUUNLI

- Nassouri Norbert **NAHINI**, o lanba Baalo tuonli nni tie **303 495 W**, o tie ku maasuagu tuonsoanbando, bi dini o li Bali wan tua Santiri-Esi Gufeneeri Tundikoa ku maasuagu tuona nni.

B. YAA KOANBADIEGU N DIE TI DIEMA LENI DIETOAMA SIIGA TUGINMA TUONA LENI TI DIEMA NIBA YAABA N YE DIETOAMA NNI MAAMA

- Jean **BENGALY**, o lanba Baalo tuonli nni tie **59 725 L**, o tie Diema lie siiga danligu tuonsoanbando, bi dini o li Bali ke wan tua tondo leni laa koanbadiegu tuona goandikoa ;
- Dieudonné W. Désiré **SOUGOURI**, o lanba Baalo tuonli nni tie **49 035 X**, o tie diema lie siiga danligu tuonsoanbando, bi dini o li bali ke wan tua tondo leni laa koanbadiegu nni, li koanbali todikaaba li tuonli nni Yudaano.
- Seydou **SINKA**, o lanba Baalo tuonli nni tie **59 727 V**, o tie diema lie siiga danligu tuonsoanbando, bi dini o li bali ke wan tua tondo leni laa koanbadiegu nni li koanbali todikoa;
- Manignan Roxane Adams **MEDAH**, o lanba Baalo tuonli nni tie **97 443 T**, o tie diema lie siiga danligu tuonsoanbando, bi dini o li bali ke wan tua tondo leni laa koanbadiegu nni li koanbali todikoa;
- San Simon **COULIBALY**, o lanba Baalo tuonli nni tie **118 864 R**, o tie diema lie siiga danligu tuonsoanbando, bi dini o li bali ke wan tua tondo, leni bandiciamo yaa tuosoandiegu n kubi ku koanbadiegu tuona kpaagili.

**C. YAA KOANBADIEGU N DIIDI TI DIEMA LIGI LENI A
TUONBOGINKAANA**

- Wendemi Pauline **TOE/SABA**, o lanba Baalo tuonli nni tie **104 288 G**, Baalo ligi-tuonsoandiedi bando, bi dini o li bali ke wan tua tondo leni laa koanbadiegu nni li koanbali todikoa .

**D. YAA KOANBADIEGU N DIIDI BU KPAABU LENI LI
YANWUBILI TUONA**

- Alassane **NIKIEMA**, o tie a tuonjaana gobidima bando, bi dini o libali ke wan tua yaa tuonsoanjaali n die bu kpaabu leni li yanwubili tiadi tuona lan tie **SOBIMAPI** yudanciamo.

**E. YAA KOANBADIEGU N DIIDI ENTERINETI LENI A
TISOANKAANA TUONSOANDIEDI LENI TELEFONNI
TUONA**

- Pousseni **BAKOUAN**, o lanba baalo tuonli nni tie **394 852 C**, o tie cogibiciama cogicanbaa, bi dini o li bali ke wan tua bandiciamo laa koanbadiegu nni tuonsoancagili yaali n tuuni mi bancanma leni a masincaana tuona nni.

**F. YAA KOANBADIEGU N DIIDI MI TAGIMA
TUONSOANDIEDI FINDIMA, U KPENDU TUONA LENI
U NUU TUONSOANBANMA**

- Gnadewun Marie Valéry **BAYALA**, o lanba baalo tuonli nni tie **260 352 E**, o tie u loagu tuona bando, bi dini o li bali ke wan tua yua baa yaa gobidi poroseenba tuona;
- Ali Badra **PARE**, o lanba baalo tuonli nni tie **303 468 L**, o tie u loagu tuona bando, bi dini o li bali ke wan tua u nuu tuonbanma tuonsoandiedi gbamanu puginma Yudaano ;

- Relwêndé François 1^{er} jumeau **OUEDRAOGO**, o lanba baalo tuonli nni tie **220 704 F**, o tie u loagu tuona bando, bi dini o li bali ke wan tua u loagu tuona bogina, li sanbila leni u danligu leni tuonsoantoaba tuona yudaano.

III.2. BAN DINI YAABA A BALA TUONJAALI YELI PO

A koanbala taanli pia lin dini yaaba a bala ke ban tua tonda a tuonjaana nni:

- a minteela kunkunpiali tuonsoandiegu kani mi diema Badidieciangu yeli po;
- yaa tuonjaali n ŋanbidi mi tinfanma lan tie SONATEERI kani yaa koanbadiegu n diidi bu kpaabu leni li yanwubili tuona yeli po;
- yaa tuonjaali n tuuni i laabaali tuona kani u koanbadiegu yu n diidi enterineti leni a tisoankaana tuonsoandiedi leni telefonni tuona yeli po;
- ti kunkundi tuonsoanjaali lan tie SOFITEKISI kani, yaa Koanbadiegu n diidi mi tagima tuonsoandiedi findima, u kpendu tuona leni u nuu tuonsoanbanma yeli po ;
- i dogi nni tuongbenga bangima cogidiegu kani yaa koanbadiegu n diidi i sani tienma leni a diegbenga maama yeli po;

- Bulicina Yin-wisgr Meta kani yaa koanbadiegu n diidi ku gbanansaagu jeliti tuona, leni bi nipanba leni a tuona maama yeli po.

A Koanbala Taanli jagi ki gandi yua n baa tugi a minteela kunkunpiali tuonsoandiegu gobidikaaba cagili yuli.

A. BULICINA BADIDIECIANGU

A Koanbala Taanli taa **jaga lie (02)**

Li jagikpiali gandi yaa niba n nua ne ke ban tua tonda ki kua a minteela kunkunpiali tuonsoandiegu gobidikaaba cagili nni bina taa po (3) mi kpiama.

BAN GANDI YAABA BAALO YELI PO

Bulicina Badidieciangu kani :

- Ismaël Kiswendsida Souampa **DIAOUARI**, o tie minteeli-gbengili;
- Lancina **DIALLO**, o tie minteeli-gbengili.

Yaa Koanbadiegu n diidi mi tagima tuonsoandiedi findima, u kpendu tuona leni u nuu tuonsoanbanma kani:

- W. Jean Pierre **GUINKO**, o lanba baalo tuonli nni tie **105 231 L**, o tie u loagu tuona bando.

Yaa koanbadiegu n die ti diema guudima tuona leni a minteelikpela maama kani:

- Yves Borèma **BADO**, o tie minteeli-gbengili.

Yaa koanbadiegu n diidi ti diema ligi leni a tuonboginkaana kani:

- Issouf **KINTINGA**, o lanba baalo tuonli nni tie **216 196 A**, o tie lubigaala canbaa.

Yaa koanbadiegu n diidi baalo saliwuudo leni yaa tuonsoanba n gaani i nmapani yema namu kani:

- Pama **SENI**, o lanba baalo tuonli nni tie **212 530 N**, o tie a tuona sanbila bando

Yaa koanbadiegu n diidi ti diema tinbuona, kominninba gobidima tuona leni li guunli kani :

- Adama **DIANDA**, o lanba baalo tuonli nni tie **211 712**, o tie polisi canbaa.

Yaa koanbadiegu n diidi kuuran tuona leni mu tinmu tiipo piama tuona kani:

- Tarwindpanga Innocent **SAWADOGO**, o lanba baalo tuonli nni tie **89 39 A**, o tie u loagu kubili bando.

**BAN GANDI YUA BULICINA KUNKUNDI TUONSOANDIEGU
(SOFITEKISI) YELI PO**

- Yacouba **PARE**, o lanba li tuonli nni tie **05 730. BAN GANDI YUA BI TUONSOANBA YELI PO**
- Kapitenni Diane Mariam **OUEDRAOGO**.

Li jalieli dini li bali Ismaël Kiswendsida Souampa **DIAOUARI**, o tie minteeli-gbengili, ke wan tua a minteela kunkunpiali tuonsoandiegu gobidikaaba liigiya bina taa (3) po mi kpiama.

B. YAA KOANBADIEGU N DIIDI BU KPAABU LENI LI YANWUBILI TUONA

A Koanbala Taanli dini li bali Zourata **KOALA/KABORE**, o lanba baalo tuonli nni tie **212 664 W**, o tie bando bu kpaabu tuona nni, ke wan tua Baalo tondo, yaa koanbadiegu n diidi mi gaanilindima, leni mi ñima leni i yianbonfuodi bolinma tuona yeli po, yaa Tuonjaali n ñanbidi mi tinfanma lan tie **SONATEERI** kani bina taa (3) po mi kpiama.

C. YAA KOANBADIEGU N DIIDI ENTERINETI LENI A TISOANKAANA TUONSOANDIEDI LENI TELEFONNI TUONA

A Koanbala Taanli gandi yaa niba n ñua ne ke ban tua Baalo tonda yaa tuonjaali n tuuni i laabaali tuona gobidikaaba cagili nni bina taa (3) po mi kpiama.

Yaa koanbadiegu n diidi enterineti leni a tisoankaana tuonsoandiedi leni telefonni tuona :

- **OUATTARA** pua Haoua **DAMA**, o lanba baalo tuonli nni tie **255 519 U**, o tie oridinateeri tuona bando.

Yaa koanbadiegu n diidi ti diema ligi leni a tuonboginkaana:

- Dané Bertin Dieudonné **GOLANE**, o lanba baalo tuonli nni tie **206 520 J**, o tie oridinateeri tuona bando.

**D. YAA KOANBADIEGU N DIIDI MI TAGIMA TUONSOANDIEDI
FINDIMA, U KPENDU TUONA LENI U NUU TUONSOANBANMA
KANI**

A Koanbala Taanli gandi Ahmadé Nour **GUENDA**, o lanba baalo tuonli nni tie **204 606 J**, o tie u loagu tuona bando, ke wan kua **SOFITEKISI** gobidikaaba cagili, nni i ligi tuonjaali yaali n tuuni u loagu leni bi niba findima yeli po, bina taa (3) po mi kpiana.

E. YAA KOANBADIEGU N DIIDI I SANI TIENMA LENI A DIEGBENGA MAAMA

A Koanbala Taanli goa ki pandi Larba **OUEDRAOGO** tuonli, o lanba baalo tuonli nni tie **237 135 Z**, o tie mi tinfanma n̄anbima bando, ke wan suagi ki yaa tie baalo tondo yaa koanbadiegu n diidi i dociami tinbuona boginma, leni mi tinfanma leni a dieduankaana n̄antaadi yeli po, ki ya tuuni i dogi nni tuongbenga bangima cogidiegu gobidikaaba cagili nni, bina taa (3) po, mi juodima.

F. YAA KOANBADIEGU N DIIDI KU GBANANSAAGU JELITI TUONA, LENI BI NIPANBA LENI A TUONA MAAMA

A Koanbala Taanli gandi Salifou **KOURAOGO**, o tie banki yugbengili, ke wan kua Bulicina Yin-wisgr Meta gobidikaaba cagili nni ki ya tuuni bankinba leni ti ligikpenkpendi-diedi kuli yeli po bina taa (3) mi cilima



www.sig.gov.bf

Le Porte-parole du Gouvernement,



Rimalba Jean Emmanuel OUEDRAOGO
Officier de l'Ordre de l'Étalon